



IRUN ⇄ HONDARRIBIA ⇄ HENDAYE

www.irunhondarribiahendaye.com



ESKULTURAK BAZTER GUZTIETAN

Bere espazio tradizionala kanpoan duen arterik badago, hori eskultura da. Estatua ugari daude gure kaleetan eta gure lorategietan, Historia handiaren edo historia txikien oroitzapenak, iraganeko oroitzapenak, artistaren sentsibilitateari esker oroimen kolektiboan betiko geratu direnak.

Estilo eta garai oso ezberdinetako obra handiak ditu Bidasoa-Txingudi mugaz gaindiko lurraldeak, eta artea gustuko duen edonork bisita ditzake Irungo, Hondarribiko eta Hendaiako txoko enblematiko eta ederrenetan barrena ibilaldi ederra eginez une lasai batean.

IRUN




Irungo udalerrian 14 etapako ibilbidea dago egiteko "Ibilbidea Irungo eskulturetan zehar" izenekoan, herritarrek edo bisitariek gero eta ondare aberatsagoarekin goza dezaketela erakusten duena.

01. Nestor Basterretxearen "Iturria" 1969. urtekoa da, eta Nafarroa hiribidearen eta Urantzu kalearen elkargunean.
02. Jorge Oteiza artista gipuzkoar handiaren lana, "Estela", 1971koa, ikus daiteke Santiagoko Nazioarteko Zubitik.
03. Oxinbiribileko parkean dago Gabriel Narzabal irundarraren eskultura, "Laiak" izenekoak, 1984koa.
04. Xabier Lakak irabazi zuen Gernikako bonbardaketa gogora ekartzeko lehiaketa 1988an Gernikako Arbolaren parkean jarritako "Laugarren zuhaitza" lanarekin.
05. Iñaki Moreno Ruiz de Eguino da parke berean dagoen 2003ko "Loa a la paz y la palabra" obraren egilea.
06. Jose Ramon Amunarriz plazan, justizia jauregiaren ondoan, dago 2004an eraikitako "Ertz hutsa" obra.

07. Zabaltza plazan dago irudi berezi bat: badirudi Pio Barojaren estatuak bizia hartzen duela 2006tik hiriko kaleetan paseatzeko.
08. "Sirenak" izeneko lana Leopoldo Ferranen eta Agustina Oterorenaren arteko lankidetzaren emaitza izan zen 2006an, eta Aduana kalean dago.
09. Nestor Basterretxearena da "La plancha" lana, 2007koa, eta Harrobieta eta Jose Maria Iparraguirre kaleen artean dago.
10. Jose Mensuro artista irundarrak egin zuen 2008an "Isiltasuna bizi denekoa" lan abstraktua, eta Altzukaitz kalean dago.
11. 2008an jarri zen halaber, "Cantineria" estatua Eskoleta kalean. Herriko jaietan urtero egiten den San Martzialetakako Alardeari eskainitako irudia da.
12. Luis Mariano opereta kantari ospetsuak ere badu bere estatua 2009az geroztik, bere izena daraman plazan. Bertan, ondoan eser gaitezke harekin "hitz egiteko", beste edozein irundarrekin bezala.
13. Urdanibia plaza berriro urbanizatu behar zutela eta, 2015ean beste estatua bat jarri zen bertan, nekazaritza munduari eskainia, "Etxekoandre" obra, Tomas Ugartemendia eskultorearena.
14. San Migel plaza berrian omenaldia egin zitzaion migratzaileei 2019an. Hantxe dago eskultura, gizon bat neskato batekin, maleta eskuan duela.

HONDARRIBIA



Hondarribiko hiriak era askotako eskulturak ditu hiri osoan barrena han eta hemen sakabanatuak.

01. Hirian sartu bezain laster, "San Juan de Dios" eskultura ospetsu eta ikusgarria aurkituko dugu, izen bereko plazan. Pedro Muguruzak egina da 1945ean.
02. Santa Maria atearen aurrean dago "Hachero", Alardeari eskainia eta 2011ko herriko jaietan jarria.
03. "El Oso y el Madroño", 1955ekoa, ikus daiteke Sabino Arana Goiri kaleko lorategietan, Madrilgo bisitari askoren testigantza. Harizko lehoi bat ere aurki dezakegu inguru horretan, 1917ko obra anonimoa.
04. Jose Diaz Bueno eskultoreak egin zuen 1963an Butroi pasealekuaren amaieran jarritako "Muro de Beruete" lana, bai eta Javier Ugarteren estatua ere, izen bereko lorategietan dagoena 1926tik, eta Cristobal de Rojas y Sandoval artzapezpikuaren estatua, 1944tik Apezpiku plazan dagoena, bi hondarribiar ospetsu.
05. Nestor Basterretxearen zenbait eskultura ere topatuko ditugu. Horien artean, nabarmentzekoa da "Zinbaue" lana, Arma plazan jarritakoa 2014ko jaietan.
06. Remigio Mendibururen obrak ere badaude, bereziki 2005eko "Txoria" lana, Puntal edo Talua inguruan Javier Ugarte kalearen hasieran dagoena.

HENDAYE



Hendaiara joango gara. Bertan, interes artistiko handiko ondare-elementuak nabarmendu ditzakegu hiriko hainbat auzotan.

01. Hainbat estatua daude ikastetxeen sarreretan; horien artean, aipatzekoa da Aizpardi Lizeoko adarbakarra.
02. San Bizente elizaren alde batean, Udaletxearen eta Errepublika plazaren ondoan, obra enblematiko eta antzinakoa ikus daiteke: "Apokalipsiaren gurutzea".
03. Hildakoen Monumentua Gotorleku Zaharreko lorategietan dago, Gaztelu Zahar frontoiaren parean, eta "Gerra Handiko Heroiei" eskainitako eskultura ikusgarria ere badu.
04. Beharbada, eskualde osoko eskulturarik sortzaileenak eta deigarrienak Abbadia Gazteluaren kanpoaldean daude. Estatua ugari ditu paretak apaintzen, animalia exotiko asko irudikatuz, hala nola elefanteak, krokodiloak, tximinoak, sugeak, barraskilo erraldoiak eta zakur basatiak.

INFORMAZIO GEHIAGO

www.bidasoaturismo.com

www.hendaye-tourisme.fr

www.irun.org

www.hondarribia.eus

www.hendaye.fr